

I nonni contano.....

I nonni cuntavano.....ca na n'era n' vota, na vorpa furba, furba, comm a nu pètoiu, che i piacia fa re tutto, tranne ca fatià. A fàtia ni savia bona e quannu a viria se n'scappava luntano.

P' se procurà ra magnà facia fessi sembe a tutti l'animali, mo r' na manera, mo r' nata, stacia sempe ca panza chiena, senza re move mai nu pere.

Na vota, a furbacchiona, avia aventaru nu addinaru chieno re addine, una chiù chiatta re nata, ca quannu le veria u stomaco i langùria.

Ma, u addinaru era re ron Franciscu, ca tenia a scuppetta sembe pronta, e p' ogni paora a facia sparà.

A vorpa, ca' era na' paurosa, nun s'avvicinava, pa' paora ra' scuppetta re ron Franciscu. Le gaddine chiatte chiatte, però, nun se le levava mai ra inda a testa, anzi pe' megliu ri, ra vocca ru stommacu.

Penza ca te penza, s'arruurdè, ca cumba Lupo, tutti i sabbati a sera scinnia ra coppa a muntagna pe se hii a fa na camminata attorno ù paiso.

A sola a sola, ricette:" mo è u momentu bonu pe me fa na panza chiena chiena, re le gaddine re ron Franciscu.

Aspettannu ca u lupo scennia, se mettette quatta quatta arretu a na cerza, pà aspettà ca arrivass u bruculone ru lupo. Quannu ù sentett quasi viscino a l'aria, addu s'era misa, accumulè a scamà:

Ohimene, ohimene, ma n' accisa tutta quanta!!

Ohimene, ohimene, ma n' accisa tutta quanta!!

U lupo ra luntano sentia su lamentu e solu solu se rescia:

"M' pare a voce re cumma vorpa, chi sa che l'hannu fatta".

È accuscì pensann addrizzè l'aurecchie p' verè r' addunne venià queddu lamentu.

Quacchieia ca te quacchieia verette na amma ra vorpa ca scià ra arretu a cerza grossa. Re corsa ù lupo fuiette versu a cummare. Arrivaru addu edda, a dummannao ca' via paturu e a vorpa tutta langurosa rescette ca la vianu accisa re mazzare e pe' sanà aviana purtà vescinu o gaddinaru re ron Franciscu. U' lupo, ca era bonu, ma nu era fessu, a guardè bona bona e verennu ca' nun'tenia mangu nu rascu, rescette a cummare: bellezzeda mia a chi voi fa fessu, m'parè ca tu stai megliù re'mi.

A vorpe ca nu ze puria rassegnà, roppu nu para re'jorni s'mettette nata vota a fa a lamentosa. U lupo s'intennu queddi lamenti, penzè ca'era a cummar ca facià mosse e nun se muvettè ra vicinù a jumara. A vorpa, furba, s'avenne ca u lupo era bonu bonu cuntinuè, finu a' quannu u lupo nun'sa vicinè.

"Cumbarè mio stò propriu male, viri che me capitaru, m'sciura a merodda p'inda l'avurecchiè".

"Cummare mia, mamma comme s' arruvinara. Chi ta cumbinaru accuscì? Puveredda, puveredda!!

"Cumbà s'me voi fa sanà ma ra prucurà nu pare r'addine re' ron Franciscu".

"Cummare mia, eju vulesse pure ji, ma t'si scurdara ra scuppetta re ron Franciscu?"

“Ohimene, ohimene, questu è u bene ca m’voi? M’addittu puru u miericu ca solu cu quedde pozzu sanà, e tu si nu paurosù, nu cacasottu, mamma eche mala sciorta ca tegnu....”

“Cummà nu m’rice questi conti, u sai quantu è malvagiù queddu cristianu, e poi r’addunne trasu?”

“Cumbà viri ca n’a cert’ora u parsunale pe’ii a monge le peure lascia quasi sempe u cangeddu avertu, tu n’appruffitti, t’ficchi inda e t’arrobbi le addine”.

“Cummà è propria ca m’avertu u’ core, e nun te sacciu ri re no”

“Bellezzeddu mia fa comme t’aggiu rittu, ca eju nu me scurdu re ti”.

U lupo chianu chianu se n’jette re monnu e jette vicinu casa re ron Franciscu.

A vorpa ca era na furbacchiona pe se fa credere ca era malata veramente, era iura addu Giuanni u pecuraru e s’era fatta ra na n’zenga re recotta, quannu s’al luntanè ro iazzu, pigliè a recotta e sa ficchè inda l’avurecchie, pe’ fa credere ro lupo ca l’era sciura a merodda.

U lupo arrivaru o addinaru trovè u cangeddu avertu, tuttu contentu se ficchè addu le addine ma quannu le addinne u verettenu accumincennù à jucculà tantu forte ca quannu le sentette ron Franciscu pigliè na mazza e scennette inda o addinaru. Quannu verette u lupo facette jì a mazza comme a na saietta. Bongt Bangte, tante re quedde mazzare rascette o lupo, co u scugniulè sanu sanu.

U lupo, povereddu, appena trovè nu bucu pe inda a rizza re’ u addinaru, e chianu chianu se n’scette. Ma eddu u sà queddu ca ngappè!! Quannu arrivè addu a vorpa tuttu nzagularu e senza le addine, a vorpa invece ru curà, s’mettette a fa edda a lamentosa, se facette addirittura purtà, a cavaddu r’ lupo e pa via cantava:

“O nì, o nà, u’ rottu’ porta u’ sanu”.

U lupo sentenne questi condi, addummannau che vulia rì, e a vorpa respunnette ca era pe dolore ca se lamentava e u lupo nu bonu fessu, fenette come u’ curnutu e u’ mazziaru. Chianu chianu a vorpa cantannu “O nì, o nà, u’ rottu’ porta u’ sanu’ se facette purtà finu a casa soia e u lupo, povereddu appena se arritirè pe le mazzare c’avia avuru.

1[^] classificato a.s. 2008/2009

Lovisi Giuseppe - classe 3C

Scuola secondaria di I grado di Casaleto Spartano

Istituto Comprensivo Caselle in Pittari